

宋

史

翼

宋史翼卷二十八

諱榮祿字景戴可益廣東南韶連長嶺道調興高廉道權福建監運使曾學法道西級隱源輯

列傳第二十八

文苑三

姚寬

任盡言

張行成

仲并

孫松壽

李石

蕭德藻

施元之

崔敦詩

兄敦禮附

吳說

翟耆年

姜夔

袁文

張有

喻良弼

趙師秀

徐照

翁卷

徐璣

王厚之

周孚

王卿月

曾丰

鞏豐弟蝶

姚寬字令威嵯縣人以父舜明任補官少有令望筮
仕之始一時名流爭禮致之呂頤浩李光帥江東皆
招置幕中傅崧卿繼至以主管機宜文字辟之辭不
就崧卿移書交舊有愧恨之語秦檜執政以舊怨抑
而不用寬亦不屈已求進後以賀允中徐林張孝祥
等薦入監進奏院六部門權尙書戶部員外郎兼權
金倉工部屯田郎樞密院編修官寬博學強記於天
文推算尤精完顏亮入寇中外皆以爲憂具云虜百

萬何可當惟有退保爾寬獨抗論沮止且上書執政
言今八月歲入翼明年七月入軫又其行在己巳者
東南屏蔽也昔越得歲而吳伐越吳卒以亡晉得歲
而苻堅伐晉堅隨以滅今狂虜背盟犯歲滅亡指日
可待又推太一熒惑所次皆賊必滅之兆未幾亮果
自斃從上幸金陵以其言驗令除郎召對上首問歲
星之詳寬敷奏移晷復論當世要務奏未畢疾作仆
於榻前上面諭令優假將理俟愈復入對後一日卒
上甚念之特官其一子且用其弟憲於朝

王明濟撰
塵後錄參

國寬詞章之外頗工於篆隸及工技之事嘗謂守險

莫如弩因哀集古今用弩事實及造弩製度爲弩守
書以獻且請用韓世忠舊法以意增損爲三弓合蟬
弩詔許之旣成矢激二里所中皆飲羽又嘗論大駕
鹵簿指南車得古不傳之法也所著有西溪集十卷
注司馬遷史記一百三十卷補注戰國策三十一卷
五行祕記一卷西溪叢語一卷玉璽書一卷注韓文
公集未畢尙數卷寬每語人曰古稱圖書豈可偏廢
故其注史記戰國策辭有所不盡必畫而爲圖於文
最得於詩葉適云寬古樂府流麗哀思頗雜近體詩
絕去尖巧乃全造古律加於作者一等矣爲當世推

鮮此之謂地利薄三不便也荆楚雖未可都亦不可
輕可順流而東形勢便利此之謂撫吳之背斷三峽
之口則蜀勁兵亦莫能前此之謂扼蜀之吭若夫用
荊州之眾涉漢水踰方城不十日間汝洛震動此之
謂撞敵之胸故勢不得不重若建爲留都示人以漸
命宰相爲留守出御史於留臺如今八路銓選遠方
類試攬此二者萃於留都亦足以振接天下之勢維
絡遠人之心矣次日議地三篇大略謂今河南之地
欲奄而有之卽力所未能若貪而信之恐害必遺至
若因而利之據其可據割其當割最爲得策如秦隴

之上附之於蜀淮漢之內附之吳外或楚有其土地
有其人民此據其可據也秦隴之下淮漢之外或擇
豪傑或因舊將裂而藩鎮之此割其當割也次日議
蜀三篇大略謂農以田商以貨二者蜀民所以生自
新法行增和買免役二年復有封糴之米激賞之絹
募兵贍家之錢比昔時之稅不知幾倍茶鹽酒法一
變官收九分之息下無毫末之利今關中虛竭方賴
蜀以供給徵斂未可遽輕若改紀其政大爲措畫使
冗兵可消冗官可減冗費可節如是則民力蘇矣臣
竊謂爲蜀之計者當固邊而息民固邊莫若專任息

民莫若省事今取熙秦二路附之於蜀而於山南置秦蜀宣撫外則分之一付於人此專任也內則并之一付於法此省事也次曰立志大略謂志不可以卑弱亦不可以荒唐江左自併蜀地抗衡中原垂三百年今河南新復之地雖未盡獲其用亦可假以爲藩籬苟有立志焉事何患其不濟次曰遣使大略謂梓宮親屬悠悠未返若追而求之則要我益堅若遂賂之彼雖先歸梓宮而母后兄弟未必歸也苟若緩而圖之卑辭可以屈已厚幣不可傷國數年之後積財訓兵我疆敵畏而使者得如候公養卒有辭藉口以

張其說則梓宮親屬何患不歸耶次曰任相大略謂古之人君定太難濟大功者必擇宰相與之終身未有中道輒易者故雖有嫌疑弗信雖有過失弗問要其終之成功而已方今多難擇相而任之願以太祖爲法次曰蓄力大略謂自古竊據中原未有三十年不變亂者若能痛自刻勵積粟訓兵求材練將俟時至而赴之會稽之恥可雪矣次曰建親大略謂本朝宗室親近者雖有爵號而無土宇權柄故靖康之難拱手偕行賴陛下適總兵在外不然何所顧藉以繼此配天之業今宜搜訪天下宗室稍分之以權任之

以事數年之後安無挺挺著見者次日搜奇大略謂
國朝以詩賦取士又有免舉推恩之法如賢良之試
六論皆注疏之學豪傑之士豈肯俛首作此方今外
有巨敵正急人材之秋如謀任帷幄武堪將帥辯可
奏使若此等類宜使在位各舉所知闕略細故務得
奇才如是而英雄豪傑庶無在下之歎次日省官大
略謂欲節財用以專軍須莫若併州縣省官吏若謂
親老家貧或仰祿以爲養假令任子之未及年進士
之未登科固必有術以生亦豈仰祿而食今若恐英
豪先志則宜開自薦之路如州縣之殘破者願自效

而安輯壤地之荒蕪者願自效而營墾或備驅使於絕域材有堪此咸許自陳則英豪之士當自穎脫餘子雖羣譏聚謗安能南北奔走哉次日惜穀大略謂天下之穀半糜於酒今若爲令非歲時不許造釀豈惟可惜穀而人樂於供上所得將愈於榷酤矣次日實內二篇大略謂孫皓之守吳惟恃江險不終內備故杜預以破竹策之劉禪之守蜀也亦恃山險自姜維漢中之外惟有羅憲屯白帝以備吳霍弋屯夜郎以備蠻其餘郡縣罕有精兵強卒及鍾會以重兵扼姜維鄧艾由江油道入諸葛瞻一敗後主遂降今吳

蜀之地兵素弱若用以備敵則吳沿江一帶蜀隨山
數處宜有宿將總兵鎮扼之至於內郡莫若鄉兵漢
之材官騎士可用爲法若因保甲之舊精擇而教之
置材武上中下三等之科事藝進者遞遷退者黜責
階至五百人長得副尉千人得比校尉人知此途可
以進身將樂然爲之矣行成又獻七引一篇其意謂
今日之勢未可一戰復中原也故託晉元帝以寄意
焉要錄一百二十八不報丐祠歸杜門十年成述衍十八卷
以明伏羲文王孔子之易翼元十二卷以明楊雄之
易元包數義三卷以明衛元嵩之易潛虛衍義十六

卷以明司馬光之易皇極經世索隱二卷以明邵雍
之易通變四十卷取自陳搏至邵雍所傳先天卦數
等十四圖敷衍解釋以通諸易之變乾道二年進呈
所著易書七種詔以其言可採除直徽猷閣出知漢
州聰察強敏請謁不行號令嚴明盜賊屏息豪強退
聽倉庫充實修舊起廢不擾而辦尋起爲成都府路
轄鈐司幹辦公事二十二年至孝忠等謀叛于成都
帥臣曹筠閉閣不敢出官僚往往逃避行成獨排闥
見筠邀請出廳事整兵授甲指畫擒捕尋卽平定汪
應辰奏薦移知潼川府以終行成頗行易數之詳所

傳十四圖得于蜀中估籍吏人家其論易謂理者
大虛之實義數者大虛之定分未形之初因理而有
象既形之後因象以推數因數以知理不可論理而
遺數云自號觀物先生有觀物集二十卷

繫年要錄
參宋史藝

文志鶴山集朝野雜記
觀物篇解汪文定集

仲井字強性揚州江都人自少卓犖不羣潛心學問
嘗從胡安國游力排王氏一偏之說紹興壬子進士
累官平江府學教授五年以朱勝非薦召對特改左
承奉郎制曰孔子稱可與其學未可與適道可與適
道未可與立可與立未可與權夫知堯舜文王爲正

道而不惑於異端者可與其學也自是而後適道適道而後立立而後穩然後可爲醇德之士矣然自昔者大學之道不明而求士之可與其學者殆不易得況成德哉爾資稟清明氣質深厚頃自妙齡潛心向學則知所謂是非邪正拳拳服膺雖於異端競起邪說誣民之時能獨立不懼自信甚確庶幾孔子所謂可與其學者朕聞而嘉之茲用錫對便朝改賜京秩爾其勉哉期進於道用其所學以見之於行事焉旋通判湖州後三年張浚與湖守陳與義復以名聞召至闕而樞密秦檜頗不謂然并卽移疾出俸京口言

者希檜意劾并前通判湖州日爲藉中聲妓楊頡作
生朝設醴青詞降三官自是棲遲閒退者二十年孝

宗初元擢光祿丞知蘄州終著有浮山集十六卷

繫年

要錄參周必大平園集陳
振孫書錄解題玉照新志

孫松壽字巖老四川郫縣人蜀人稱牧齋先生紹興
五年進士力學好古剛方廉潔環堵蕭然不求人知
衣食僅給淡如也屢官州縣決事多用經術嘗守漢
嘉甚有威愛淳熙三年除利州路轉運判官時年六
十六遂乞致仕松壽與江源人樊漢廣善漢廣字見
南嘗知青神縣寬大長者兼有能名范致能與松壽

並薦于朝有旨召赴行在皆辭不起蜀人高之何耕
所以有賢二大夫詩之作也趙雄在樞府爲上言漢
廣之賢賜三品服趙子直入蜀奏漢廣掛冠勇退凡
二十年内行素飭終始不渝乞賜旌表詔除直秘閣

年九十餘乃卒

四川通志

李石字知幾資州人進士高第蜀人稱爲方舟先生
紹興末以趙逵薦任太學博士太學生芝草學官方
賀石獨以爲兵兆坐斥爲成都學官就學者如雲閩
越之士萬里而來刻石題諸生名幾及千人蜀學之
盛古今鮮儷累官知黎州乾道中召爲都官爲言者

論罷趙雄其鄉人也驟貴石以晚輩視之不與遜青久之起守眉州除成都路轉運判官十日而罷趙雄秉政石遂不復出及王淮爲相與石有學官之舊自書近詩數十以寄筆勢傾欹殆不可辨淮憐之方議除官而石卒石好學能屬文少從蘇符游其淵源出於蘇氏詩文皆以閎肆跌宕見長著有方舟集五十卷後集十卷今存十二卷

朝野雜記參鄧椿畫繼資州志

蕭德藻字東夫福建閩清人紹興二十一年進士初調湖州烏程令遂家焉歷知峽州終福建安撫司參議德藻長於詩造語苦硬頓挫而極其工與范成大

尤袤陸游齊名官湖湘時楊萬里一見獎異嘗曰近世詩人若范石湖之清新尤梁谿之平淡陸放翁之敷腴蕭千巖之工緻皆余所畏也德藻所居屏山千巖競秀故自號千巖老人云著有千巖擇稿書錄解題參楊

萬里薦士錄千巖擇稿序

施元之字德初長興人紹興二十四年進士談志以絕

識博學名天下陸游東坡詩注序乾道二年除祕書省正字

五年五月除祕書省著作佐郎十月除起居舍人十

一月兼國史院編修官是月除左司諫中興館閣錄尋遷

左正言五年汪應辰上季屋詞業有旨召試元之方

候對爲起居郎兼權中書舍人林機言故事無獨試者當繳之機卽奏繳錄黃元之亦奏祖宗制科之設自有典故今厘詞業雖付後省未有許令參考指揮遽有召試中書之命未應前後典故兼國子監看詳明言令送兩省侍從參考况閱試大論本朝典故錄三四人以上糊名考校無一名獨試者乞重此非常之科且以厘詞業令有司公共參考來上俟繼有一二人然後俾之就試庶幾受得賢之實無倖進之議詔令參考繼聞二人握手私語乃大怒詔林機施元之身居納言之地朋比相通並放罷虞允文言不當

罪朝野雜記七年起左宣教郎權發遣衢州軍州主管學

兼管內勸農事五代會要入對論用人賁小過大詳孝

宗深然之宋史全文於衢州郡立月波亭及超覽堂毛开

爲之記宏治衢志復遷贛州太守急於繩吏劉後村集

吏游飲者札杜穎簿錄其家穎袖還日罪由遷發懼

者眾矣元之變然而罷已爲提刑辛棄疾以私意劾

罷同嘗注蘇詩與吳郡顧景蕃共爲之元之子宿從

而推廣且爲年譜以傳於世書錄解題陸游序之曰用功

深歷歲久於東坡之意可無遺憾東坡詩注

崔敦詩字大雅通州靖海人紹興三十年進士調揚

州高郵簿早有文名入爲秘書省正字乾道九年以
韓元吉薦授爲翰林權直制詞溫潤詳雅明白有體
眾以驚歎兼崇政殿說書兼權給事中淳熙五年以
吏部尙書韓元吉薦召見卽言國家治否係公論廢
典公論者眾心所在理之當然乃天道也願明詔大
臣施舍廢置務合于此上稱善除樞密院編修復爲
權直敦詩旣拜命從容言曰翰林院者自唐以來醫
卜技術皆預直也至開元別置學士院則專待儒臣
今泛然以翰林權直爲名固懼聖朝官名未正上悟
卽更爲學士院權直遷著作兼權吏部郎官又兼崇

政殿說書進國子司業改權直學士院八年拜中書
舍人加侍郎直學士三固人心振士氣爲言且
謂監司郡守以蠶厲之說爲強以敏給辦事爲能詞
訟不理而專事財利教化不修而專用刑法上皆嘉
納進選德殿六箴極規正之義敦詩博覽強記爲文
敏贍嘗做漢魏晉唐爲鏡歌吹曲十二篇以述祖宗
功德之盛見稱於時又以司馬光資治通鑑于治亂
得失忠邪善惡有所未論者凡一君之後爲總說一
代之末爲統論成六十卷號通鑑要覽皆以奏御而
上命敦詩更定呂祖謙所編文鑑中羣臣奏議其增

損去留率有意義有文集若干卷內外制稿若干卷
所類制海十編鑑韻五編淳熙九年卒年四十四

甲乙稿

兄敦禮與弟敦詩同登紹興進士第官至諸王宮大
小學教授愛深陽山水買田築室居焉著有芻言三
卷上卷言政中卷言行下卷言學其文皆規撫楊雄
王通無語錄俚鄙之習嘗集李太白句爲太白遠遊
太白招魂二篇仿離騷頗工著有宮教集二十卷提要
吳說字傅朋號練塘錢塘人累官知信州北山九里
松碑說所書也高宗詣天竺親御宸翰徹去說書未

幾說陞辭高宗因與說云九里松碑乃卿書朕嘗三
次作此觀之終不如卿朝退令再揭元碑席大光以
母碑求說書大光立于碑側不數字必息憩說病之
至夜分秉燭潛起而書大光聞之起立以文房玩好

二物盡歸之說書深入黃庭堅之室時作鍾體尤善

遊絲書

書史會要參洞天清錄貴耳錄行都紀事

翟耆年字伯壽父汝文宋史有傳以父任入官自少
知友名士劉器之甚愛之而以著騷見稱于張耒好
古博雅偏介不苟自謂爲吏必以慈罷放浪山水間
著書自娛范宗尹欲召之蘇庠曰翟子清濁太明蓋

惡太分此張惠恕所以不容於當世也既老自號覺

潛老隱善篆隸八分著有籀史二卷

嘉定鎮江志參籀史書史會要

姜夔字堯章鄱陽人先世出九真唐中書門下侍郎

公輔之裔八世祖泮官饒州教授父噩紹興進士以

新喻丞知漢陽縣夔從父宦游流落古沔沖淡寡欲

不樂時趨氣貌若不勝衣工書法著續書譜以繼孫

過庭頗造翰墨閩域詩律高秀琢句精工詞亦清虛

騷雅如野雲孤飛去留無迹尤嫻音律初從蕭剡學

詩剡攜之苕上妻以兄子一時張燾楊萬里輩皆折

節與交而樓鑄范成大更相友善紹興中秦檜當國

去隱武康縣箬坑之丁山累薦不起高宗賜宸翰夔
建御書閣以貯焉嘗患樂典久墜欲正容臺樂律甯
宗慶元三年詣京師上大樂議一卷琴瑟考古圖一
卷詔付有司收掌特予免解時有疾其能者以議不
合而罷五年作饒歌鼓吹曲一十四章上於尙書省
書奏詔付太常周密以爲言辭峻潔意度高遠有超
越騁駟之意非虛譽也居與白石洞天爲鄰因號白
石道人時往來西湖館水磨方氏後以疾卒葬西馬
塋子二瓊太廟齋郎暎禾郡僉判

嚴杰南宋姜夔傳

謹案夔與西秦

張炎齊名爲南宋詞家正軌猶唐詩人之有李杜後
以移家湖州而宋史又失載夔傳故舊志及饒州府

縣志皆寥寥數言未能詳盡茲據因朝阮元所撰
話經精舍文集損益他書改訂斯傳備是邦文獻之
徵云

袁文字質甫鄞縣人垌之子少聰警以能賦稱甫踰
壯歲厭舉子業而讀書益勤不懈一書精通始更他
書自經史子集至稗官小說奧編隱帙多所記覽

袁雙

先公夙精小學取古三百五篇參之方言概以韻語
行狀

有若不同韻而實相協者則會歸於一其於字書偏
旁點畫毫髮無差

袁雙先
公墓表

晚歲猶平旦卽起日鈔書

數千字端勁有力爲人亮直中無留藏遇人無貴賤
必以誠敬恂恂卑謙若無尺寸可稱者雅尙清致行

有園數畝日涉成趣屈伸得喪弗爲欣戚榜所居小齋曰臥雪自號爲逸叟性尤不喜華侈嘗曰食苟可以飽衣苟可以禦寒足矣紹熙元年卒年七十有二

贈通議大夫

墓表
鄞縣志

張有字謙中吳興人自幼喜小篆以說文爲正

書錄
解題

篤志古道傷俗學之混淆爲書一編號曰復古考證精詣字之合於古者皆所不論惟俗書亂之者必正其譌外毫釐不貸其落筆作篆如真行然略無艱辛之態惟體修而未重與世小異與漢元成間谷口銅甬款識正同魏字從委從鬼或省山以爲韓魏之魏

有爲林中書篆墓碑絕不省去山字古無菴字有以爲當作閭而難以題扁山谷雖定從草有亦不用嘗篆楊龜山踵息菴記終篇偶無此字碑額雖從广竟作隸體書之其信古不從俗類如此

樓攻媿復古稱序

其辨

形聲分點畫剖判真僞計較毫釐視徐楚金兄弟及郭恕先尤精密其有功於許氏甚大年五十餘成此書崇寧以來用篆籀名一時者以有爲最晚棄家爲黃冠殆世外士爲陳了翁所敬服

李燾說文解字後序

喻良弼字季直義烏人與兄良能字叔奇俱以古文詞有聲太學良能成進士而良弼僅以特科尉新喻

有杉堂集十卷樂府五卷龍川陳亮曰叔奇爲文精深簡雅讀之愈久而意若新季直文蔚茂馳騁蓋將包羅眾體而一字不苟讀之疊疊無厭也尤工於詩一時鉅公若洪邁楊萬里皆與爲文字友

兩浙名賢錄

趙師秀字紫芝永嘉人登紹興第浮沈州縣僅一改秩而卒自乾道來濂洛之學方行諸儒類以窮經相尚詩或言志取足而止固不暇如昔人體驗聲病律呂相宣也潘檉出始創爲唐詩而師秀與徐照翁卷徐璣釋尋遺緒日鍛月鍊一字不苟下由是唐體盛行

著有天樂集

兩浙名賢錄

徐照字道暉永嘉人自號山民嗜苦茗上下山水穿
幽透深拾其勝會有詩數百斲思尤奇皆橫絕竦起
冰懸雪跨使讀者變蹕慘慄肯首吟歎不自己發今
人未悟之機回百年已廢之學使後復言唐詩自照
始亦一快也

葉適徐照墓誌

翁卷字續古一字靈舒樂清人著有西巖集一名葦

碧軒集

溫州府志

徐璣字致中一字靈淵仕長泰令工詩著有山泉集
自趙師秀以下四人號永嘉四靈館閣有四靈集

溫州府志

志

王厚之字順伯世本臨川人左丞安禮四世孫也祖
榕始徙居於諸暨紹興二十六年厚之以越鄉薦爲
舉首尋入太學登乾道二年進士第由祕書郎出爲
淮南轉運判官召爲度支郎兩浙轉運判官知臨安
府提點坑冶鑄錢提點江東刑獄上章乞致仕詔進
直寶文閣從所請厚之好古博雅富藏先代葬器及
金石刻與尤袤俱以博古知名於時嘗取古今碑刻
參訂而詳著之號復齋金石錄嘉泰四年卒年七十

四

會稽
續志

周字信道世濟北將家避亂南徙居丹徒天資穎

悟七歲通春秋左氏傳既長喜讀書過目輒成誦時
有鄧氏張書肆孛日往游焉因得盡閱天下書其友
陳琪爲孛集序謂其博聞強記尤邃於楚騷遷史唐
韓杜氏之詩文而博以本朝諸公名世之作爲詩始
以黃陳爲法而卒歸於杜屬思高遠鍊句精穩少而
工壯而新晚而平淡爲文長於敘事簡潔而峻厲不
喜裝積雕繪循理而言理盡而止辛棄疾少壯時兄
事之擢乾道二年進士第爲眞州教授郡守延璽武
人欲薦之介學職以意學職喜以告孛不答退復以
書扣可否孛答書陳誼甚高聞者矐之在任以疾卒

有蠹齋集三十卷又非詩辨妄二卷尤爲詳明精確
時京口之士多從游其最厚者朱叔瑤字德裕陳琪
字德厚宋郭字安民未嘗請鄉舉刻意古學爲京口
七原略做柳宗元晉問他詩文亦多擬古未第而卒
孚識高見博爲朋友所推每一言出輒相與傳誦惟
德裕數與反復是而後已蓋孚畏友云琪擢淳熙八
年進士第歷秀之崇德尉真州司法湖州教授卒性
嗜書老不釋卷平居端重寡言及杯酒從容援古證
今談論衮衮叩之不窮始知不可及安民四舉於鄉
晚以特科拜官從蜀帥張詔辟於興州卒安民亦多

識前言往行善談論性謙和喜接引後輩學者多出

其門

京口耆舊傳

王卿月字清叔博學工古文詞不隨時好力還古雅多藝能雖音律卜筮無不貫徹中乾道五年進士仕秘書郎權中書舍人直學士院掌制詔所草詞百餘篇深得代言之體當草胡銓制云吾寧身蹈東海獨魯仲連不肯帝秦至今名重泰山微蘭相如何以存趙時論多之除太府卿卒著有醒菴集

臨海縣志

曾丰字幼度樂安人乾道五年進士官至知德慶府以文章名著有督緣集四十卷氣剛而義嚴辭直而

理勝真德秀初嘗受學于丰及執政奏取其集入崇
文四部晚年無意仕進築室名樽齋以詩酒自娛道
學古錄參真西山
集原本督錄集

鞏豐字仲至號栗齋上世自鄆州須城縣渡江卽所
寓土斷爲婺之武義人以太學上舍對策高第登淳
熙甲辰進士教授漢陽軍次授江東提刑司幹辦公
事母喪免又授幹辦福建帥司公事以格知臨安縣
政尙寬簡吏民信化刑罰衰息久之提轄左藏庫奉
祠卒豐學敏而早成自童丱時前輩源緒古今音節
事之因革總統如注水千仞之壑迎前隨後宿叟駭

服嘗從朱子問學聲實著甚其文以理屈人片詞半
牘皆清朗得言外趣尤工於詩多至三千餘首有東
平集二十七卷又有耳目志若干卷

敬鄉錄

豐弟嶠字仲問淳熙二年進士累官至太學博士大
理寺丞上書言兵端不可開忤宰相出知嚴州陞辭
力言外攘當先內修已而直祕閣歷遷司封郎奉祠
致仕爲人靜正夷博居官未嘗澤辭色貫聲先以媒
進而儒術吏治所至皆有聲所著有厚齋集八十卷
嶠母楊氏通毛詩論語孝經知大義故自長子峴而

下皆知師東萊傳正學有聞於時

洪平齋集
鞏君墓誌

宋史翼卷二十八終

男樹韓校字

宋史翼卷二十九

諫議大夫直學士巡撫廣南鹽運使司提舉鹽運使陸心源輯

列傳第二十九

文苑四

孫應時

高似孫

王偁

陳造

吳曾

倪朴

吳仁傑

劉過

徐次鐸

施宿

喻偁

敖陶孫

留元剛

李劉

王明清

章樵

陳耆卿

吳子良

戴復古

左緯

劉克莊

陳振孫

趙孟堅

陳均

張端義

陳容

薛據

姚勉

羅泌

鮑雲龍

舒嶽祥

孫應時字季和餘姚人父介躬行古道訓授閭里鄉人尊之號雪齋先生應時天才穎異陶治嚴訓八歲能屬文乾道壬辰入太學年方弱冠從江西陸九淵悟存心養性之學登淳熙乙未進士第初尉黃巖士民惜其去欲共置田宅留居焉辭不受朱熹爲常平

使者一見卽與定交紹熙王子邱密帥蜀辟入制幙
興州元帥吳氏將有世襲之勢朝廷患之而未敢輕
有變易也邱密因其病使應時往視疾以察軍情盛
禮十獻辭焉復命以事實告會吳挺死卽白制帥定
議差統制官擢領其軍檄總領楊輔兼利西安撫節
制之草奏乞別選帥材以代吳氏朝廷從之以張詔
爲興州都統一方晏然改秩知平江府常熟縣旣滿
郡將以私憾摺摭倉粟累政流欠三千斛見問士民
感德至相率擔負詣郡願代償不報竟坐貶秩故有
詩謝其邑人云牛車擔負愧高義豈知薄命非兒寬

授通判邵武軍將赴而卒年五十三自號燭湖居士
有文集十卷開禧丁卯吳挺之子曦復歸興元果據
軍以叛曦誅嘉定初戶侍沈誥刑侍蔡幼學給事曾
暎吏侍黃度兵侍戴溪工侍汪達六人同奏應時學
問深醞行義修飭見微慮遠能爲國家弭患於未形
乞甄錄其後得旨特補其子祖開下州文學會稽續志
高似孫字續古書錄解題夙有俊聲詞章敏贍攻媿集程大
昌演繁露初成文虎假觀似孫年尚少竊窺之越日
程索問原書似孫因出一帙曰繁露詰其間多大昌
所未載而辨證尤詳大昌盛賞之齊東野語登淳熙十一

年進士

寶慶志

爲會稽縣主簿吏道通明樓鑰除給事

中嘗舉以自代

攻媿集

後爲禮部郎守處州

延祐○案勾餘士音

注作禮部侍郎知處州

累官中大夫提舉崇禧觀似孫博雅好

古縣志

晚家於越

延祐志

○案結靖亭外集晚年始

江爲嵯令史安之作剡錄而文物掌故乃備卒贈通

議大夫

鄞縣志

王偁字季平四川眉州人累官承議郎知龍州偁刻意史學斷自太祖至于欽宗上下九朝爲東都事略一百三十卷其非國史所載而得之旁收者居十之一皆信而有徵可以依據洪邁修四朝國史奏進其

書加直秘閣慶元中終吏部郎中

陳造字唐卿高郵人年二十五始知爲儒貧不能自振妻張氏富室也捐所有以左右所無年三十四登乙未科調繁昌尉改平江府教授范成大見其詩文曰唐卿亦高郵人使遇歐蘇盛名當不在少游下尙書尤袤樞密羅點得其騷詞雜著手之不置尋知明之定海縣以薦通判房陵攝郡事皆有最績秩滿授朝散郎浙西路安撫使參議官曰吾得盡償詩債足矣改淮南西路參議官晚年自號江湖長翁有集四十卷其詩文居今篤古一洗南宋纖巧俚俗之病卓

然自立於頽波之外

申屠駟陳公墓誌參陸放翁序萬應揚州府志

吳曾字虎臣崇仁人由上舍獻書授官累遷至吏部郎中太史局欲徒紹興殯宮內士民墳墓曾謂坤道尚靜恐傷旺氣事得止又言辛巳壬午歲俱日食正朝當主兵請豫爲備除知金州去貪吏恤良民善政著聞改嚴州致仕所著有君臣論負暄策毛詩辨疑左傳發揮新唐書糾繆得聞文集待試詞學千一策南征北伐編年南北事類能改齋漫錄近二百卷悉收入祕府

江西通志參浙江通志

倪朴字文卿唐戶部侍郎若水之後也若水居恆州

唐末之亂子孫南遷江浙間五代時有名益者自吳興遷浦陽之石陵世爲農至朴曾祖展始以貲雄於鄉初衢婺嘗輸丁身錢相傳仁宗時永康胡則爲奏免崇寧間欲復算之適部使者行郡展持則像拜使者於馬前歷訴其非便使者上其事復獲免祖子從性好施田旱及半悉捐與種家又多奇謀建炎初山賊作亂遠近震動縣令丞檄子從問計子從爲之籌畫使其子統民兵爲前導賊皆敗走民兵別部有貪功擒至百餘人者縣令例縛之將斬以徇子從聞之急白令曰此輩豈皆賊哉不如勿殺使自新賊不足

定也令悟足地曰微公言幾敗吾事悉縱之事果帖
帖朴豪雋不羈喜舞劍談兵恥爲無用之學必欲見
之於事功紹興間聞廟堂謀遣將掃清河洛喜曰依
日月乘風雲以佐天誅此其時矣乃草書數千言歷
陳征討大計精忠感激有古作者風鄭伯熊見之連
吐舌曰男子男子雖以無階不得上進而朴志益堅
且以天下山川險阻戶口多寡用兵者所當知乃編
考羣書成輿地會元志四十卷又合古今夷夏繪爲
一圖張之屋壁手指心計何地可戰何城可守猶幸
一用其能晚雖知不用復著鑑轍錄五卷以痛國家

禦侮用策之失惓惓猶前志也朴好使氣與人多不
合年四十七尙未娶當時人亦鮮有知朴者獨永康
陳亮敬焉淳熙中與知縣趙汝鉞有隙鄉人樓益蒸
遂以豪俠中之徒家筠州會赦東歸朴於書過眼不
再覽辨駁甚精嘗言吳越受梁封爵未嘗稱帝其改
元寶大寶當梁亡之後且取觀音院鍾刻爲證以破
五代史之疑論者服之

浦陽人
物記

吳仁傑字斗南一字南英其先洛陽人居崑山父信
修武郎仁傑博洽經史育才講學朱子之門登淳
熙進士第歷羅田令國子錄自號螭隱以詩文名二

時所著古易十二卷兩漢刊誤補遺十卷禘祫縣叢
書三卷周易圖說樂舞新書廟制罪言郊祀贊說鹽
石論丙丁各二卷集古易尚書洪範辨圖陶淵明杜
子美年譜各一卷皆行於世

仁輔子樛

盧熊蘇州府志

劉過泰和人自號龍洲道人以詩俠名湖海間周益
公聞其名欲客之門下不就叩閭上書請光宗過重
華宮辭意懇婉聲重一時嘗以書陳恢復方略謂中
原可一戰而取用事者不聽以是落魄無所遇合晚

年欲航海抵崑山友人潘文留之尋卒

吉州人文紀略白志舊

案劉過字改之江西詩派中一人也其詩名龍洲集
近有偽刻作蘇叔黨斜川集者卒葬崑山城中祠墓

今尚在安志既列劉過復列劉改之
分名字作兩人誤矣江西通志

徐次鐸字文伯東陽人紹熙元年進士又試宏詞科
爲山陰尉著復鑑湖議爲樞屬以西府典故散在方
冊自建炎以來攻守之具編纂成書名曰中興兵防
事類官止三衢倅嘗做古周禮作漢官制又作唐書
傳注補注音訓總三百卷自號徐氏唐書又以唐書

糾繆訛舛作釋糾辨謬十卷

金華先民傳

施宿字武子長興人元之

文學子有傳

陸游會稽志序

紹熙四年

進士

宋進士表

慶元間知餘姚縣始至詢究利害得其要

領於是百廢具興邑瀕海旣築石隄以障海濤民田

得無害而前人不知守護之策隨補隨壞迄無安歲

議建一莊爲田二千畝募民耕墾築倉專儲粟以備

修隄之用

樓鑰餘姚海隄記○黃潛跋云宿嘗爲隄

其用力於海其爲政務大體不事細謹尤加意風教

者古所未及市田置書教誨學者萬厯紹興府志沈作賓守會稽時宿通

判軍事與撰會稽志積勞累月乃成陸游會稽志序晚爲淮

東倉曹時有故舊在言路因書遺以番葡萄酒歸院相

會出以薦酒有問知所自憾其不已致也劾之無以

徵罪宿嘗以其父元之所著坡詩刻之倉司有所識

同郡傅稗字漢儒第乏福投善歐言遂俾書之鍍板

三十一

以闕其歸因據此事坐以贓私

癸辛雜議

喻侃字伯經義烏人慶元己未進士歷僉書鎮南軍節度判官尋請祠歸築室夫人學下曰蘆隱性豪談論今古輒目光如炬氣軒軒出鼻吻間尤長於文詞當乾道淳熙間朱熹呂祖謙陸九淵張栻皆談性命而聞功利學者各守其師說陳亮偃起獨以爲性命之微子貢不得而聞後生小子與之談不置殆多乎哉禹無功何以成六府乾無利無以具四德如之何可廢也於是推尋聖賢經理世故之大略明白簡大坦然易行人多疑其說而未信侃獨出爲諸生倡扶

持而左右之已而亮再下詔獄侂與同志極力營解遂脫亮於萬死一生之中人多義之所著有隨見類錄二百卷蘆隱類稿五十卷

宋瀛論
侂傳

敖陶孫字器之福建福清人少貧僦爲文章操筆立就淳熙間魁鄉薦紹熙末入太學會朱子罷講職除外祠陶孫贈詩但云當年靈壽杖止合扶孔光及丞相趙汝愚死謫所陶孫復作甲寅行哀之語皆不涉韓侂胄或爲詩託陶孫名題於市樓知臨安府趙師宰承望侂胄風旨急逮捕陶孫微服變姓名去事白登慶元五年進士

四朝聞見錄云慶元初韓侂胄既逐趙忠定太學諸生敖陶孫

賦詩於三元樓云左手旋乾右轉坤如何羣小恣流
言狼胡無地歸誰且魚腹終天弔屈原一死固知公
所欠孤忠幸有史長存九泉若遇韓忠獻休說渠家
末世孫陶孫方善於樓之木壁酒一再行壁已不復
存陶孫知詩已爲韓所廉捕者必至急更行酒者衣
持煖酒具下亡命歸走闕捕者入闕逮之至都以書
新哀於韓謂詩非已所作韓笑而命有司復其賈陶
孫旋中乙丑第出此得詩名劉克莊云先生詩名益
重託先生以行者益衆而江湖集出焉真詩未爲先
生之靈而贗詩每爲先生之禍是江湖集亦非陶孫
作也陶孫登第在慶元己未非
開禧乙丑四朝聞見錄亦誤
切調通州海門縣主

薄嘉定初教授漳州郡守趙汝諱尤愛敬之秩滿辟
酒所幹官改廣東轉運司主管文字安撫使揚長孺
性峻多面媮僚吏惟見陶孫必改容寶慶元年轉奉
議郎賜緋魚袋主管華州西嶽廟陶孫長身龐眉軒

昂驚俗博覽載籍奇字奧義穿抉呈露諸文皆可傳
世行遠而天下獨誦其詩自涉憂患明練世務奉祠
歸適悼亡室無妾媵躬執炊爨積俸錢買田二畦築
室一區深居茹苦客至從戶內搖手謝絕之惟與同
里林公邁連江李韶莆田劉克莊相過從然不妄有
所吟詠而詩名益重晚學後生多託陶孫以行有選
其廢詩入江湖集者臺臣得而論之詔毀集鐫一官

卒年七十有四

後村集跋
先生墓誌

留元剛字茂潛福建永春人博學強記爲文奇峭開
禧元年試博學宏詞科與浦城真德秀同應選考官

李大異批德秀云宏而不博批元剛云博而不宏寧
宗喜其文命俱置異等授元剛國子監學錄嘉定初
累遷直學士院嘗言今日有負國貧民而無貧士夫
聞者以爲至言遷權起居舍人奏言國朝左右史立
御座後今乃縣殿東乞復舊立修明舊制以內艱去
服因起知温州勤恤民隱發奸摘伏人推精敏永嘉
劉天掩據晉王羲之墨池且百年劉本豪族莫敢斥
言者元剛徑判歸於官加直寶文閣移知贛州爲言
者論劾詔與宮觀罷歸元剛早負盛名自擬大用信
酒任氣既歸後鬱鬱不適築圃北山自號云麓子德

秀初甚與之契中年對客語及則愀然不悅蓋嫌其
矜才傲物不能蓄德以待時也

福建通志一百七十六

李劉字公甫江西崇仁人嘉定進士歷禮部郎官兼
崇政殿說書起居舍人遷吏部侍郎穆陵書梅亭以
賜之其在蜀歷守榮眉進總漕事帥成都守本路憲
四川都大茶馬等凡八印軍府僚佐各稟教令條治
無不得宜所得圖書皆以八印識之劉熟於典墳以
辨儷著稱制詞爲商榷之冠所著有類稿三十卷續

類稿三十卷

林志

王明清字仲言汝陰人

至元嘉

明清甫十歲朱希真

徐敦立過其父因詢以國史中數事應之無遺由是
受知慶元間居甥館於嘉禾宮至朝散郎與其父雪
溪兄仲信俱有史才當時諸公欲收置史館不果嘗
剴切上封事是時南渡以來簡冊散亡老成凋謝明

清裏集執事遺闕編爲揮塵錄及玉照新志

撫李詩繫

章樵字升道昌化人嘉定元年進士歷海州高郵山
陽教官習知海徽事再上時宰書力陳李全必叛全
果亂郡縣官多被禍樵率諸生盛服坐堂上講誦賊
至歛刃而退擢宰吳判常州皆以廉著御史洪咨夔
舉監登聞鼓院以疾乞歸授知處州樵學宗伊洛著

有集曾子十八篇章氏家訓七卷補注董仲舒春秋

纂要十八卷古文苑二十卷

高麗杭州府志

陳耆卿字壽老號貧窗台州臨海人嘉定七年進士
官至國子司業吳子良稱其文遠參宋四近近伊洛
沈涵樞微恢拓廣大周旋賈馬韓柳歐蘇間躡場甚
寬步武甚正也葉適見之驚詎起立爲序其所作以
爲學游揚而文張晁遺範後耆卿之文遂傑然爲世
所宗蓋其統緒正而氣脈厚也所著有論孟紀蒙貧

齋集赤城志

臨海縣志

吳子良字明輔號荆溪台州臨海人寶慶二年進士

宋史翼

卷二十一

二十一

官至湖南運使太府少卿始從諫實宿遊年二十四
登進平心之門水心稱其文意特新語特工韻趣特
高遠雖言之妙齡秀實終以文名世者不過若是何
止趨越流豈而已哉及卒車玉峯挽以詩有云江右
文章今西塞水心氣脈近三台所著有荆溪集與陸
志
戴復古字式之號石屏從林景思徐似繼遊又登陸
游之門講明詩法後又走東湖過河漢淮尋瓦壘迥
奇特荒怪古僻之蹤靡不登歷蓋二十年然後歸而
詩乃大進真德秀稱其句法不減孟浩然由是遂名
天下有石屏集行世

左緯字經臣強記善屬文劉元禮周行已皆兄事之
初業舉子曰此不足爲學文如韓退之詩如杜子美
吾將遊其藩焉真德秀稱其避寇七詩可比老杜七
歌有詩集行於世

黃巖縣志

劉克莊字潛夫福建莆田人朔兄夙之孫也克莊初
名灼嘉定二年郊恩補將仕郎易今名調洪州靖安
主簿丁父憂服闋注福州司理改差真州錄事江淮
制置使李珣開闢建康辟沿江制置司準遣先是朝
野盛言金袁及泗上兵敗始息進取之謀以守易戰
克莊至淮東覓維揚兵不滿數千意欲抽減極邊成

兵使屯次邊以壯根本說不行已而金人果乘虛犯
安濠攻滁州建康大震時嘉定十二年二月也滁州
圍解克莊自請南嶽祠去越五年始改宣教郎知建
陽縣真德秀還里克莊師事之學益進言官李知孝
梁成大箋克莊落梅詩激怒史彌遠幾得謫鄒清之
力辨乃改通判湖州真德秀帥閩以機幕辟克莊將作
監主簿帥司參議官德秀尋以戶部尚書召克莊後
例乞解隨司入京供職次年六月除樞密院編修官
兼權侍右郎官輪對言服天下莫若公今失之私竊
天下莫若重今失之輕揚謝貴胄聯翩華途沂榮魚

軒融洩廣內南陽侵奪貧細郡國不敢問北司志在
恩寵風憲不敢劾非私與大臣憂讒畏譏有狼跋之
嗟厭事避權動魚羹之興依違肺腑之閒道有所屈
浮沈官寺之際志不得行以匹夫橫議而變政以走
卒偶語而易令非輕與次言柄臣反易綱常變亂邪
正與其徒攫取陛下之富貴而去獨留大敵極壞之
朝綱已照離合之邊繫驕尤不可簡稽之兵窮極不
可變遷之枯陷溺不可挽回之風俗以遺陛下陛下
不幸而當之諸賢不量力而就之遂使陛下疑君子
之無效意小人之有方宣和靖康之禍此陛下商監

也疏出魏了翁游似見而擊節曰二劉後有此佳兒
二劉謂克莊祖夙與弟朔也未幾以吳昌裔疏罷主
管王局觀尋知漳州嘉熙元年改知袁州殿中侍御
史蔣嘏知理宗不說言者論濟罪事遂劾克莊并及
方大琮王選三人皆嘗言濟王者同日罷歸李宗勉
當國薦署廣東提舉升轉運使兼提舉市舶使留粵
凡兩年寬荷箬嚴篋苞節漕計助邊屯買田二百畝
以贍仕於南而以喪歸者淳祐四年除江東提舉
求民瘼獄詞千紙一閱盡得其情以右丞相游似薦
召赴行在道除太府少卿入對三劄首論右丞相史

尚之以借助減殘金爲戰以厚幣奉侂彞爲和以清
野蹙國爲守若非天去其疾他日必貽宗社之憂次
言陛下雖有退小人之功而復受小人之謗洛蜀分
明而摯逐韓曾爭柄而京相臣實未知所終又言陛
下待羣臣至厚記善忘過收採不遺其間尙有述遠
而孤位卑而滯者昔尙盛年今已暮景願收之於霜
降水涸之餘使善類常合言路常通讀未畢理宗問
未召者爲誰克莊對曰從臣則有王遂徐清叟方大
琮庶僚如湯中潘枋不幸已歿存者黃自然王邁耳
自然近已向用餘人皆年事已高望陛下收錄三言

江東使事以恤貧民慮流民爲最急理宗省嘉納之
六年以母老求歸養理宗不許曰朕知卿文名有史
學行將錫第任修纂矣退出御劄賜同進士出身除
祕書少監次日兼權國史院編修實錄院檢討官又
三日兼崇政殿說書轉對言國本未建中外寒心援
引詳切理宗爲感動尋命暫兼中書舍人初詔嵩之
起復屢爲臺諫所論遂豫乞致仕御批服闋除職予
祠閱月嵩之祥禱得旨守本官職致仕克莊奏嵩之
有無父之罪四無君之罪七臣行嵩之誥詞亦知爲
褒爲貶且不知合帶何官奉祠已而有旨嵩之除職

文殿大學士致仕克莊復奏嵩之忠孝有虧所除職
名乃與元勳重德無異乞寢除名止守本封永國公
致仕遂與給舍同職奏理宗不得已奪嵩之除職指
揮克莊草制有云我聞直昔求忠臣於孝子之門人
謂斯何豈天下有無父之國未上殿中侍御史章炎
因攻嵩之並劾克莊不合奏審實直欺君遂罷歸七
年鄭清之再相薦直寶文閣知漳州以母老辭除直
龍圖閣主管明道宮八年除祕閣修撰福建提刑以
便養克莊復辭不允卽家建臺甫及月丁母憂方禫
除祕閣書監以制未終辭十一年春有旨趣行既至

兼太常少卿直學士深劄言朝廷之士議君上者或以掖庭或以戚畹或以衆敘議大臣者或指除授或指賓客或指子弟道路傳言皆曰君相厭之臣以爲不然惟聖主可以責善惟賢相可以責備辭其忠婉時事多內出克莊言祖宗盛時內降絕少中外除授不由大臣啟擬習以爲常臣竊惜之復進故事言本朝名相惟杜衍能御內降衍在相位三閱月三小臣能以去就爲輕雖大事可論大臣能以去就爲輕雖內降可御其語頗諷當國於是益落落難合矣克莊六上疏乞挂冠皆不許遷起居舍人兼侍講進言

愈切史字之除工部侍郎克莊不草制時有傳嵩之
將復相者克莊因進讀九朝通略至澶淵事理宗歎
今無寇準克莊從容對曰本朝三有狄難三大臣皆
以身當之耶律氏越幽薊犯河朔決大駕親征之策
者寇準也完顏氏越太行黃河犯汴京決堅守京城
之策者李綱也逆亮百萬南下百官欲散而航海卒
之扈乘輿幸建康者陳康伯也臣嘗謂此三人者實
由諸生口不談兵一旦國家有急所立奇偉如此豈
有他哉直以忠義之氣吞敵人耳若不論其人節義
大閑但以其曾爲邊帥而相之中外所以寒心也理

宗曰卿言良是豈非疑朕復用史嵩之耶克莊曰臣知陛下萬無此事設或有之此誤不小嵩之以將國之富震主之威謬爲恭順陰懷忍毒外豈可付以寸鐵內豈可假以寸權願陛下熟慮蒙古自定宗崩久未立君朝廷謀再舉克莊言趙范欲圖唐鄧唐鄧不可得而棗陽先失安隨均房皆爲邱城趙明欲圖秦鞏秦鞏不可得而劍關不守五十四城遂成萬獲豈非外重而不能禦內虛而無以守臣謂江陵固然後可以援襄樊重慶實然後可以圖漢中范與彥呐前事可鏡也言雖峻切理宗優容之十二年除右文

殿修撰知建寧府兼福建轉運副使發憤前疏不行
再論襁褓寢新命依舊職提舉明道宮景定元年賈
似道爲相克莊與似道有舊除祕書監復除起居郎
兼權中書舍人克莊尙在道也入對略言國以危懼
存以佚樂亡陛下必持勝慮危毋忘敵兵焉飲江時
大臣必稱道格非毋忘漢陽舟中與白鹿磯時士大
夫毋忘言說誤務毋以浮文妨要所奏旨切中時病
論畢聖宗慰勞曰知卿愛君憂國至老不衰累進除
權工部尙書兼侍讀尋以年老求退除寶章閣學士
知建寧府賜玉栴寶箑御製五言詩書其上侑以金

極言言與禮也五年目青辭職除煥章閣學士守本
官致仕咸淳四年特除龍圖閣學士仍舊致仕明年
卒年八十有三贈銀青光祿大夫諡文定克莊前後
四立朝天性忠愛敷陳剴切晚歲身兼兩制詞命增
委而論事不休每奏輒數千言理宗尤重之凡大詔
令必曰非劉克莊不可論者謂其長於吏事而爲文
名所勝云

福建通志一百八十八
後村大全集附行狀

陳振孫字信玉安吉人所居號直齋博通古今

鄞縣學

書錄解題四

紹興教官

齊東野語八

宰南城

解題三

寶慶

二年通判興化軍嘗佐郡人陳憲修濠塘誦月而成

學田得以克復

解題七〇案與化軍治
舊四故解題云蒲部

時有楊氏記

子及婦不孝者遠問則婦之翁爲人毆死楊亦預焉
獄未竟值覃需得不坐其後父又認子及婦振孫時
以倖攝郡謂父子天合夫妻人合在法離絕皆許還
合而獨於義絕不許者蓋謂此類若楊婦盡禮於舅
姑則爲反親事讎稍有不反得以不孝罪之初問
楊罪旣脫合勒某婦休離當離不離則是違法爲婚
旣不成婚卽有相犯並同凡人今其婦合比此條不
合收坐時皆照其得法之意焉

野語

端平三年以朝

散大夫知台州除浙東提舉嘉熙元年改知嘉興府

會稽續志 爲浙西提舉體祖宗卹民之意舉行萬戶停廢

醋庫邦人德之王懿姪 制以振孫研精經術有古典

型除國子司業徐元杰 後元杰暴亡或謂其高之謗

之振孫亦有疏孫辛 以某部侍郎身語 除寶章閣待

制致仕贈光祿大夫劉後村 家藏舊書至萬卷做

讀書志作解題極其精詳梅磻 吳典人物志野

王氏族志 詩話 書解易解志雅堂 子造字周士登第

爲書志倅野語

趙孟堅字子固號彝齋居士系出安定郡王以父朝
奉即與采蔭登寶慶二年進士歷官集英殿修撰知

嚴州平反張均平報父讐獄郡歲饑發廩賑贍全活
民五萬餘戶隱居廣陳乘一舟東西遊適縣令宣城
梅黻造船謁之竟飛棹去梅伫立曰昔人所謂名可
聞身不可見殆謂先生歟孟堅善書畫工詩文著有
梅譜書法論傳於世

海鹽
圖經

陳均字平甫福建莆田人號雲巖於丞相俊卿爲從
孫濡染家世舊聞又時親炙於從父寺丞宓刻勵自
奮宓在嘉定間立朝有直聲多均贊之初肄業太學
及以累舉恩當大對不就歸著皇朝舉要備要二書
端平初簽樞鄭性之聞於朝有旨令本軍繕錄以進

授迪功郎辭不授郡守楊棟延入郡學爲諸生矜式力辭不獲深衣大帶一至而返閩帥王居安聞其名延至福州甚禮遇之年七十餘卒性之題其墓曰篤

行君子

福建通志

張端義字正夫鄒州人也居於吳卽朱長文樂圃故址少讀書兼習技擊嘗師項平齋於荆南一時耆艾如慈湖說齋鶴山菊坡習庵皆從之遊而尤服膺其中表葉元吉亦慈湖高弟也愛作詩兼工詞其賦蜂云不因花退盡必是夢殘時極爲時所傳誦書其圃曰江湖旦過用浮屠家所謂旦過寮也端平更化應

詔上第一書次年再應詔上第二書三年明堂靈應
詔上第三書有詔龍州安置執政謂詔以直言罪以
直言非祖制得免乃自笑曰故事宰執侍從用安置
庶官用居住士子用聽讀軍將用自效予小臣而用
大臣之法乎晚自號荃翁所著有荃翁集亡矣又有
雜記曰貴耳集今存願其論真文忠公晚節不終失
民望則有足與黃氏日鈔相證明者惜其亦惑於浮
屠之言耳

貴耳集

陳容字公儲自號所翁福建長樂人端平二年進士
初爲温州平陽令開道路通溝洫議賑糴修學宮從

容簡易政務修舉時集諸生敷衍經義士風大變尋
通判臨江軍去後人常思之理宗聞容才名召除國
子監主簿賈似道欲招致幕下容酒醜輒卑侮之卒
不往出知興化軍容詩文豪壯尤善畫龍世傳所翁

龍

福建
通志

薛據字叔容平陽人淳祐間臺省交薦賜出身嘗爲
天保采薇末議二卷又采諸子百家稗官緯紀之書
輯孔子集語二十卷摭古今輔相經濟之業爲宅揆
成鑑二十二卷景定元年史館劉克莊謝子強上之

敕付祕書省

温州
府志

姚勉字成一新昌人慷慨有大志寶祐中狀元授平江節度判官丁父憂服闋除祕書省校書郎正字四年太學生有因論丁大全而被逐者蔡杭亦去國勉上言斥逐學宮之士以禁天下之言此蔡京秦檜韓侂胄所爲今日豈宜有此遂歸及吳潛入相再除校書郎正字沂王府教授景定元年又上封事言天下之事可惜者一可憂者二並痛言丁大全之奸尋兼太子舍人輪對言朝廷綱領惟在用人聽言又及守帥數易之弊後上過東宮勉講否卦因指斥權姦無所顧避忤買似道遂諷孫附鳳劾勉爲吳潛黨免歸

其文如長江大河一瀉千里著有雪坡集五十卷卒
年四十一

江西志參雪坡集文
及翁序方逢辰序

羅泌字長源廬陵人學博才宏侈遊墳典迺搜集百
家成路史四十七卷西蜀費輝爲之序子萃能世其

學嘗爲之注

吉州人
文紀略

鮑雲龍字景翔號魯齋歙楓口人景定中鄉貢進士
幼嗜書至忘寢食義有未解靜坐默思比長博通經
史尤精易學母病亟夜半登西山巔焚香祝天願以
身代母病尋愈從師閔俊甫試郡庠踰年分格當陞
職雲龍護其師郡博士嘉之遂兩陞焉嘗偕同里鄭

芑待試國庠將入棘芑卒雲龍不就試傾貲護芑歸
歸至次舉乃領鄉薦已而省試不利因絕意科場居
鄉教授所著有天原發微行世又嘗著六月令筮章
研幾等書

新安文獻志八十
八參鮑魯齋傳

舒嶽祥字舜侯一字景薛寧海人寶祐進士官終承
直郎年二十六時以文見吳荆溪荆溪稱其異稟靈
識如漢賈誼終軍唐李觀李賀本朝王令邢居實輩
後果以文學名奉化戴表元在元大德為東南大
家其學得於嶽祥者為多

錄藻野稿避
稿篆畦稿
里稿三史纂

言談叢叢續叢殘叢傳叢津圖
百二十卷學者稱爲閩風先生

嘉定赤城志

宋史翼卷二十九終

男樹麟校字